



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka ("Službeni glasnik BiH" broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU BH SLOBODNIH DEMOKRATA

Broj: 03-07-6-278/13
Sarajevo, 30. jun 2014. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1. NALAZI REVIZIJE.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BH SLOBODNIH DEMOKRATA za 2012. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine i Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2012. godinu, utvrđeno je da su BH SLOBODNI DEMOKRATI prekršili odredbe člana 6. i člana 11. stav (3) Zakona o finansiranju političkih stranaka, koji je bio na snazi do 04.12.2012. godine i člana 12. stav (4) Zakona o finansiranju političkih stranaka, koji je na snazi od 05.12.2012. godine.

Pregledom, odnosno kontrolom finansijskih izvještaja, a obzirom na činjenicu da politička stranka nije dostavila kompletnu dodatnu finansijsku dokumentaciju, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja BH SLOBODNIH DEMOKRATA za 2012. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju BH SLOBODNI DEMOKRATI su iskazali ukupne prihode u iznosu od 700,00 KM, što je iskazano u sljedećoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	0,00%
2	Prilozi fizičkih lica	200,00	28,57%
3	Prilozi pravnih lica	500,00	71,43%
4	Prihodi od imovine	0,00	0,00%
5	Prihodi od pr. lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	Ukupni prihodi:	700,00	100,00%

U godišnjem finansijskom izvještaju BH SLOBODNI DEMOKRATI su iskazali ukupne rashode u iznosu od 716,34 KM.

2. PREDSTAVLJANJE POLITIČKE STRANKE

Naziv političke stranke: BH SLOBODNI DEMOKRATI. Skraćeni naziv stranke: BH SD.

BH SLOBODNI DEMOKRATI su rješenjem broj: R-I-1/05 od 27.05.2005. godine, upisani u registar političkih organizacija Općinskog suda u Tuzli.

Sjedište političke stranke je u Lukavcu, Partizanski put bb.

Lice ovlašteno za zastupanje stranke je Sejad Sejdinović, predsjednik.

Lice ovlašteno za podnošenje finansijskih izvještaja za 2012. godinu je Sejad Sejdinović.

Prema podacima iz godišnjeg finansijskog izvještaja za 2012. godinu, BH SLOBODNI DEMOKRATI nemaju niže nivoe organizovanja (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BH SLOBODNIH DEMOKRATA za 2012. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi

određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja BH SLOBODNIH DEMOKRATA obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U prethodnom periodu, izvršen je pregled godišnjih finansijskih izvještaja BH SLOBODNIH DEMOKRATA od 2007. do 2009. godine, nakon čega su izdati izvještaji o pregledu sa mišljenjem revizora, nalazima i preporukama.

BH SLOBODNI DEMOKRATI nisu dostavili godišnji finansijski izvještaja za 2010. godinu. Služba za reviziju izvršila je pregled godišnjeg finansijskog izvještaja BH SLOBODNIH DEMOKRATA za 2011. godinu, nakon kojeg je izdat izvještaj o pregledu sa mišljenjem revizora da su BH SLOBODNI DEMOKRATI postupali u skladu sa odredbama Zakona o finansiranju političkih stranaka.

5. NALAZI I PREPORUKE REVIZIJE

5.1. NALAZI REVIZIJE

- a) Pregledom je utvrđeno da su BH SLOBODNI DEMOKRATI prekršili odredbe člana 6. i člana 11. stav (3) Zakona o finansiranju političkih stranaka, koji je bio na snazi do 04.12.2012. godine.**

Uvidom u obrazac 3 (ukupni prihodi političke stranke) i obrazac 3-e (nenovčane donacije i računi koje stranka nije imala obavezu da plati) godišnjeg finansijskog izvještaja za 2012. godinu, utvrđeno je da BH SLOBODNI DEMOKRATI nisu iskazali nenovčanu donaciju pravnog lica u vidu besplatnog korištenja poslovnog prostora, čime su prekršene odredbe člana 6. i člana 11. stav (3) Zakona o finansiranju političkih stranaka, koji je bio na snazi do 04.12.2012. godine, te člana 13. i člana 16. tada važećeg Pravilnika o godišnjim finansijskim izvještajima političkih stranaka ("Službeni glasnik BiH", broj 61/06)-u daljem tekstu: Pravilnik.

Uvidom u Potvrdu pravnog lica "RUL" d.o.o. Lukavac, utvrđeno je da BH SLOBODNI DEMOKRATI za obavljanje svojih aktivnosti koriste jednu prostoriju ovog pravnog lica, bez naknade.

Pregledom je, takođe, utvrđeno da stranka nije u obrascu 4-1 (režijsko-administrativni i ostali troškovi) iskazala troškove zakupa poslovnog prostora, odnosno u obrascu 4 (ukupni rashodi političke stranke) je ukupne rashode iskazala u manjem iznosu za iznos zakupa poslovnog prostora, čime je prekršila odredbe člana 20. i 21. Pravilnika.

- b) BH SLOBODNI DEMOKRATI prekršili su odredbe člana 12. stav (4) Zakona o finansiranju političkih stranaka, koji je na snazi od 05.12.2012. godine.**

Dana 25.07.2013. godine, Centralna izborna komisija Bosne i Hercegovine je BH SLOBODNIM DEMOKRATIMA uputila Zahtjev za dostavljanje dodatne dokumentacije za 2012. godinu¹, a dana 11.10.2013. godine i Urgenciju za dostavljanje dodatne

¹ Zahtjev broj: 03-07-6-278-2/13.

dokumentacije², kojim je od stranke zatraženo da dostavi: dokumentaciju o korištenju poslovnog prostora u 2012. godini, Bruto bilans stranke za period 01.01.-31.12.2012. godine, Godišnji obračun (završni račun) stranke ovjeren od nadležne institucije u Bosni i Hercegovini za 2012. godinu i kopiju izvoda sa transakcijskog računa broj: 131000311849964 za period 01.01.-31.12.2012. godine.

Na navedene zahtjeve, BH SLOBODNI DEMOKRATI su, dana 24.10.2013. godine, Centralnoj izbornoj komisiji Bosne i Hercegovine dostavili dokumentaciju o korištenju poslovnog prostora u 2012. godini i kopiju izvoda sa transakcijskog računa broj: 131000311849964 za period 01.01.-31.12.2012. godine.

Obzirom da BH SLOBODNI DEMOKRATI nisu postupili u skladu sa zahtjevom Centralne izborne komisije Bosne i Hercegovine, odnosno nisu dostavili Bruto bilans stranke za period 01.01.-31.12.2012. godine i Godišnji obračun (završni račun) stranke ovjeren od nadležne institucije u Bosni i Hercegovini za 2012. godinu, prekršene su odredbe člana 12. stav (4) Zakona o finansiranju političkih stranaka, koji je na snazi od 05.12.2012. godine.

5.2. PREPORUKE

Preporučuje se BH SLOBODNIM DEMOKRATIMA da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***finansijske izvještaje podnose u formi koju je odobrila Centralna izborna komisija Bosne i Hercegovine, odnosno da prihode i rashode iskazuju na način propisan Pravilnikom o godišnjim finansijskim izvještajima političkih stranaka i***
- ***da dostavljaju dodatnu dokumentaciju koju od njih zatraži Centralna izborna komisija Bosne i Hercegovine.***

KOMENTAR:

U ostavljenom roku, BH SLOBODNI DEMOKRATI nisu dostavili primjedbe na Preliminarni izvještaj o pregledu godišnjeg finansijskog izvještaja za 2012. godinu.

šef Odsjeka za revizijske poslove

Sanja Tošović, revizor

šef Službe za reviziju

mr. sc. Hasida Gušić

² Urgencija broj: 03-07-6-278-3/13.